Universal Declaration of Human Rights - Dinka, Northeastern

© 1996 – 2009 The Office of the High Commissioner for Human Rights

This HTML version prepared by the UDHR in Unicode project, http://www.unicode.org/udhr.

Yüth e raan ci caal e pinynhöm

Ajokcok

Nä caa athëëk tö e baai thök e thai yic gäm ku yithkën thoŋ tö e nyiinkën, kek aalau enhom ku thoŋ, ku dör e pinynhom.

Ku nä ci yiith e raan mar ekəc nhiim, ku dhalkek bi kuöc lööi bëi epion e raanic, ku aye raan thök eben waai bi bɛn epinynhom bi raan liëk e lau enhom e jamdeic, ku thëëk yanhde, ku ci bën rioc, ku ηɔη.

Ku na peth bi lööŋ raan aaköuny, bi raan cii nyany e rin eköuc löui ye löui yen, ku teŋ enyin piny.

Ku nä ci wut ethai matyiic, yen gam e cök elööŋiic lön de raan yith tëëm kua thëëk, ku na thöŋ möc nhöm këk e tik e yithiic kua ci tëëm bik röt aaköuny bi pir piath baai ku lëu yic.

Ku na ci bëi tö akutic gam bik ka cin mat kek akut e mawuut epinynhom(UN), bik yith e raan ku lau enhöm kua thëëk aatiit.

Ku na ŋic eben lön e yith kak ku lau enhöm alëŋ köuny dit kua thëk e gëm gëm ken yic.

Ka kut dit adhël.

cööt ecëël ken yic erin yith e raan, erin yën e tën eröm ethai eben thin, ku(UN), wic bi raan tic e ciëŋic ku tëu ka nyiin piny ecëël ken yic, bi athëk eyith ku lau enhöm kak cök cökpiny edhöl epioc ku wëët ku cër cër ebaiyic ku pinynhöm bi bik tiit. epiny nhöm eben ekëm ebëi tö akutic, ku thai awën rër tö eke cin.

Wiën 1

Raan thök eben aye dhëëth ka lau nhöm kua thöŋ nhiim eyithiic, kua thëkic, kua ci yëknhiethku puou, ku bik cëŋ ka ke ye mith etik.

Wien 2

Raan eben alëŋ yic bi liëk eyithiic ku lau enhömic ecëël kenic ka ci tëktëk ethök etiël ekuat, ku kit, kemen thai ku thök ku yanh ethëëk ku wël ebai kmen wët dët löi e rɔt kemen bai ku ciëŋ bai kemen jɛɛk ku dhëth kemen kuat etau dɛt löi e rɔt ka cin tëktëk ethök ekem mö ku tik.

Ku cit te wen ci yen luel, acin tiel tö e wel ebai yic ku lööŋ ku kem ebɛi ku ten wen rër eraan thin pan cëŋ kemen ci cëën kemen aci röt mac eröt, kemen tö eraan dët cin.

Wien 3

Raan thök eben aleŋ yic bi pir ku leu nhöm ku le laŋ.

Wien 4

Kuat eraan acii leu bi kool kemen bi loony kuat epec ku loony thok eben aci pëën.

Wien 5

Raan thok eben aciben e lëëŋ kemen bi köuc yöŋ ci min elai, keme bi joor bi ci thëk.

Wien 6

Raan thok eben kuat et ci yen yok thin alëŋ yic bi gam ka ye raan lëŋyic elooŋiic.

Wien 7

Raan thok eben aathon nhiim eloon nhiim, kua lën yic bi liek eköuny thon nhöm ka cin tiel bi loon kak tiit.

Wien 8

Raan thok eben alën yic bi luk ebanypanden nhiimbi yicde yok ci min eyith tuëŋ e looŋ kek gam yen.

Wien 9

Ran thok eben aci leu bi döm kemen dampiny, kemen cöb ewei baai edieny.

Wien 10

Raan thok eben alëŋ yic bi nhöm agit ka kɔc kɔk, bi luŋde tiŋ elüok pathiic bi yɛk yicde ekɔc nhiim ku kak ci gämröt, ku kuat emëny ci yen mëëny göup.

Wien 11

- 1. Kuat eraan ci mëeny, acin göup awuc yet te bi loŋ yen nyooth lon le yen göup awuc ekɔ̃c nhiim ku kony bi rot köuny bei.
- 2. Raan aci luk ewei erin eken ci löi kemen ci kuec bi löi, ke ce yen awuc ye loŋ ebaai nyooth, kemen loŋ epinynhöm, te wen yen looi yen rot thin.

Wien 12

Acin raan ekëëc epir eraande yic, kemen pande ku yonde kua thorkeiic kemen bi dhɔl ku rɛc erin edieny, ku raan eben alɛ̃ŋ yic bi loŋ köuny ekak cit ekak yiic.

Wien 13

- 1. Raan eben alëη yic bi cëëth te wic ku löc te den erëër eyan akeu thok eben ebaai yic.
- 2. Raan eben alën vic bi la te wic epiny nhöm agut panden kua lën vic bi dhok thin.

Wien 14

- 1. Raan eben alëη yic bi kook pandet, kemen bi them bi kook thin ka kat eköuc ciëη.
- 2. Kuat eraan ci kaŋ yath elukic awuc ca awuc ewel ebaai kemen bi lui eke ce röm kek elooŋ (UN), acii lëŋ yic bi liek eyic ken yic.

Wien 15

- 1. Raan eben alëŋ yic bi rot yek anyööth lön eyen ran ebaai.
- 2. Aci leu bi raan pen wer erot edieny, kemen bi jai lön ci yende yic bi rot war.

Wien 16

- 1. Məc ku tik te ci kek roun ethëëk dööt, aalëŋ yic bik ker ebəɛi ku löike mith ka cinic ale kemen yath kua lëŋ yiith thöŋ nyiin ethiëkic ku loui yic ku pök yic.
- 2. Thiëk ci loi ka kic ekəc thiëk rot gäm kua ci mëc ekek.
- 3. Məc ku tik kek aamaatic tueŋ ebaai, kua lëŋ yic bik liek eköuny baai ku baai nhöm.

Wien 17

- 1. Raan eben alen yic bi lëŋ kede erot, kemen bi rɔ̈m kek kəc kok.
- 2. Aci leu bi raan pëëc cin bei ekake edieny.

Wien 18

Raan eben alëŋ yic bi tak ka lau nhöm popuonde, yanhde kua lëŋ yic bi yanhde waric kemen ke ye thëëk kua lëŋ yic bi pioc ku yeknhöm ku nyooyh ku tiit ka thien keme ekɔc nhiim.

Wien 19

Raan eben alëŋ yic bi wetde luel ka lau nhöm kue yic ken egäm ewel ka launhöm ka cin raan la thin ku y'oŋ ewel ku tektek ku cɛɛl kek edhol ci takic ka ci luui aken ewuad.

Wien 20

- 1. Raan eben alëŋ yic bi mɛt akutic kua kuut la lik.
- 2. Aci leu bi kuat eraan mat akut ci wic yic eriel.

Wien 21

- 1. Raan eben aləɛŋ yic bi lui miric panden bi kuany egai ekəc ekuany.
- 2. Raan eben aleŋ yic bi lui ci min ekuat eraan lui baai.
- 3. Ke wic kəc ebaai yen eya rie e mir. ku ke wic kəc kene ekueny kueny bi kam bi yaa weenic ekuany aliklik ka kəc thöŋ nhiim kemen bi loui te wen bi raan cuet ka lau nhöm.

Wien 22

Raan eben ka ye raan aakutt ekəciic aalëŋ yic bi köny ekəc bai ku kəc epinynhöm ka cit te ye panden ye loui thin ku yith epirde ku cieŋ ku wëët ci rot pal athɛkde yic la tuɛŋ ku thiek yicde.

Wien 23

- 1. Raan eben alëŋ yic bi lui ku kuany ka cit te wic e yen kua lɛŋ yic bi köny bi lui.
- 2. Raan eben aleŋ yic bi lui a riob thoŋ nhöm eloi yic ka ci yic tiel.
- 3. Raan eben alëŋ yic bi riob ariob ci gam bi rot muk apth ku juak ekak awen bi pirde cəkpiny.
- 4. Raan eben aleŋ yic bi dit ku mɛt akuic bi ka ke tiit kəth.

Wien 24

Raan eben aleŋ yic bi lɔŋ kemen bi cin lau ku nyoth enin ken eloi ku kol cin yen loi thin.

Wien 25

- 1. Kuat eraan aleŋ yic bi pir ka piol goup ku mit puou ka pande ecampathic, kua leth ku ten enin ku ka wen ekɔc kouny baai kua leŋ yic bi pir cɔk nyinic ke cii yen lui, ku tuany, kemen ci bäl ku lɛɛr kemen ci dhiöb ku la kak awen epir mietic, ka leu yen cin thin.
- 2. Meth ku man alɛŋ yic bi kek köny ku muk kek apath ku mith eben athöŋ nhiim bi kek tiit baai mith dhëth mɔc kek ku mith e lim.

Wien 26

- 1. Kuat eraan aleŋ yic bi pioc kua dhil epioc epath tueeŋ, ku pioc tueeŋ adhil emac eya nhöm, kua pioc etɛɛt ku loi loi ecin ku cɔl pioc den la tueeŋ apiolic, bi nhöm thöŋ ka jaŋ.
- 2. Ku weet ke ku bi thiekic ku thëk ka ye raan ku lau enhöm la tueeŋ e cieŋ ku pëlpiny ewel ku määth ekem e wuuut ku la kuut, ku köny thaai epinynhöm bi door muk.
- 3. Warken emith aleŋ yic bik mithken weet cit te wicke.

Wien 27

- 1. Kuat eraan aleŋ yic bi mɛt ka lau nhöm epir ekɔc ebaai yic, ku bi liek etɛɛtic kua jueer erin ela tueeŋ epioc ku bi kak bi ben bɛi yhin kɛc köuny.
- 2. Kuat eraan aleŋ yic bi ka path ku cieŋ ken epioc tiit.

Wien 28

Kuat eraan aleŋ yic bi liek ecieŋ ekəc epinynhömic, bi yithke ku lau enhöm ci nyooth eceel ken yic yok egai.

Wien 29

- 1. Raan eben adhil kəc loui bi yen nyouth lon te yen ekəciic bi dit ka lau nhöm.
- 2. Raan eben adhil yithke thaap ka kacit te ci looŋ yen nyouth thin bigɛmgɛm e yith e kɔc kök, ku lau e nhömde kua thɛkden, ku jɔl aathöŋ nhöm e loiloi yiic, ku ka pɔth eyok eben ku jam aathɛɛk eciɛŋ ekɔc epaan ekɛc thoŋ nhiim.
- 3. Aci rot kan lëu ather bi vith kak thaap ka ce te wen wic thai epiny nhöm ke thin.

Wien 30

Acin wet leu bi war kemen bi cəkpiny e ceel ken yic ku luel ala ka ci pan ken kemen raan ken aci looi bi lyiith ku lauenhöm ci ben thin rac.